

## De Flerschemer Marienplatz, enn Mittelpunkt

Omm letzde Sunndaach omm Stommdisch hott de Schorsch mich gefroochd: Honnes, war de Hubert widder emol in Flerschem? Ess Kättche hott gemoond, sie hädden vunn weidem gesehe, der hädd awwer gons schee zugenumme.

Ja, habb ich ze Ontwort gewwe, ess Kättche hott rischdisch gesehe. Unn dess mettem Zunumme stimmt aach, dess kimmt vunn dene Medikamente, die wo der nemme muss. Was hotter dann, de Hubert?, frächt de Karl.

Ich saach: Der hott su e Sach mett Backdeerje in de Lung, die kriehter nitt eraus.

De Karl hott genickt. Moin Nochber hadd sowas aach gehabd, dess iss e beeß Sach.

Moont de Schorsch: Jetz isser vor e paar Johr extra weesche unserne schlecht Luft in die Näh vunn der Nordsee gezooche unn dann kriehter sowas. Isser noch doo, de Hubert?

Naa, saach ich, omm Dunnersdaach isser widder fort. Er iss aach gut dehoom ookumme, er hott mich oogerufe. Awwer vunn dere Sach mette Lung abgesehe isser noch gut druff, de Hubert. Vor alle Dinge isser immer noch interessiert onn allem, was su im Flecke Flerschem bassierd. Besonnens dess Axthelm-Gelände leit emm omm Herze unn was doodemett werdd. Unn wie der Platz emol haaße kennt.

De Karl hott gegrinst. Er iss unn bleibt halt enn ahle Flerschemer, de Hubert.

Ich saach: So isses. De Hubert unn ich, mir hawwe long iwwer dess Gelände geschwätzt unn hawwe omm End gemoond, dasses gut wär, wenn der Platz nooch demjenische Heilische gedaafd werrn deet, dem aach die Kapell geweiht war. Unn deshalb habb ich in de letzde Daache e bissi noochgeforscht unn doo bin ich druffkumme: Ess war koon Heilische, ess war ... no was glaabderr? Ich saachs eich: Ess war die Muttergottes, der die Kapell geweiht gewese soi muss.

De Karl war gons erstaunt. De heilisch Maria?

De Schorsch hott aach groß geguggd unn dann gesaad: Mensch Honnes, wenn doodenooch de Platz genennd werrn deet, dann hädde merr joo enn Marienplatz! Ja, wie kimmsde donn doo druff?

Ich saach: Heert emol zu, ihr zwaa. Als die Gerda unn de Helmut Axthelm noch Kinner warn, doo hadd die Kapell enn blaue Himmel gehabbd, mett Stern dezwische. Dess dut schunn emol uff die Muttergottes hiedeute. Unn jetz habb ich erauskrieht, dass vunn dere Kapell die Pieta, die schmerzereiche Gottesmutter, in die Krieschergedächtniskapell kumme iss, im Johr 1927 odder 1928. Die Deck dort iss sellemols aach mett Himmelsblau unn goldene Sterncher gemold worrn. Dess beweist, dass die Kapell in de Bohnhofstrooß e Marienkapell gewese iss. Doo wärs doch nitt mehr wie recht, wenn merr se nooch ooner Renovierung widder mettere Marienfigur ausstatte unn widder weihe deet.

De Schorsch druff: Unn dass merr den gonse Platz nooch dere Kapell dann Marienplatz nenne deet? Dess moonsde doch, Honnes? Karl, saach aach emol was.

De Karl hott zugestimmt. Dess wär enn scheene Nome: Marienplatz! Merr missts emol dene Herrn im Rothaus saache odder merr missts im Blättche schreiwe.

Ich saach: Dess sinn zwaa Sache. De erst misst also die Kapell widder zur Marienkapell gemacht werrn unn dann könnt merr den Platz Marienplatz nenne.

De Schorsch hott merr uff die Schulter gekloppd: Dann hädde merr enn Platz wie die Münchener, enn werkliche Mittelpunkt in Flerschem, den jeder gern besuche deet. Dess wär doch was. Odder? Eiern Honnes